



Tuhaqtauyughaq

Nutaaq Pangnirtungmi Munarhiliqiyikkut Inuuahiriknirmullu Havavik Angmaqtuq

PANGNIRTUNG, Nunavut (July 14, 2010) –Minista Tagak Curley, Minista Munarhiliqiyikkut Inuuahiriknirmullu, angmaqtigtaa Nunavutmi nutaatqiyauyuq munarhiliarvik uplumi.

“Munarhiliqiyikkut Inuuahiriknirmullu Havavikia piyumanipaqtuq tunihininganik nakuuqpiatunik munarhiliqinikkut inuuahiriknakkullu hulitjutighanik Nunavunmiunnun tamaani nunaptikni,” uqaqtuq Curley. “Taamna nutaaq havavik Pangnirtungmi angikliyuummiqtittuq havagutigiyami hapkuat nunallaamiutat ikayuqtaillu havaktit tunihinikkut atauttikuuqtunik munarhiliqinikkut inuuahiriknakkullu hulitjutighanik.”

Una nutaaq havavik tunihiyuq ukununga 1,300 nunallaamiutait Pangnirtungmi ukuninga aanniaqpiatunut havauhitjutinik, aihimavikni nunallaamilu munarhitjutinik, inuliqiyitjutinik, nunallaami aanniaqtailinikkut ukuningalu upinngaqtaunikut havauhitjutinik. Initutqiaq hivullirmit iglupamit piqarhuni amigaitqiyanik ihivriuqviknik igluanik, taaktiup igluaghaa qaigaangamik taaktit, havavikhat aihimayut munarhiinnut havaktiinnunlu, havavikhat inuliqiyit havaktiinnut, unalu angiyuq iksuliirvik, qauyiharvik havautiqarviklu.

Ilauyullu, munarhivingmiilluni nayurvikhampik havangnairaangat upinngaqtaunirnut, umingalu inirninut munariyauvikmik haniraaniittunik piqaqtumik aannirhaaqtautighanik miluqautighaniklu hanaqitjutinik, uumingalu hanaqitjutiqapipaqtumik hingaiyunut nayurvikhakanik upinngaqtahimayumik irniyunut. Nutaaq titirauyarniq qaummariqtipkaqtuq piqarami angiyunik igalaarnik igluqpaut qilaanilu igalaaqarami, quvianaqtunik aanniaqtunut. Taamna munarhivik havagutigivaktait nunallaamiut Pangnirtungmi uvanga June 21, 2010mit.

“Tunihiniq nakuuqpiatunik, ulumiutanik munarhiliqinikkut inuuahiriknirmullu havavikhanik ikayuqtait havaktivut havangnirmut talvunga turaarutiptinik uumanit Pijitsirniq – havagutigiyait tunihiyaiillu ilagiiktunut nunallaanunlu,” uqaqtuq Minista Curley. “Inuit Pangnirtungmi ikayuqtauniaqtut quvianaqtumit innirmit, inituyumit, nutaanit hanaqitjutinit, ukunangalu inuliqiyitkut munarhiviillu tatja hailihimayauliqtut atauhirmi igluqpakmi.”

###

Tuhaqtipkainikkut Uqarvik:

Linda Smith

Tuhaqtipkailiqiyi

Munarhiliqiyikkut Inuuahiriknirmullu

(867) 975-5712

新闻稿可用因纽特语、英语、因纽纳克语和法语在 www.gov.nu.ca 获得。

News releases are available in Inuktitut, English, Inuinnaqtun and French on www.gov.nu.ca.

Tuhaqtaghat ittut Inuktitut, Qablunaatitut, Inuinnaqtun Uiviititullu talvani www.gov.nu.ca.

Les communiqués de presse sont disponibles en inuktitut, en anglais, en inuinnaqtun et en français à : www.gov.nu.ca.